

TEKS UCAPAN DATO SERI DR SITI HASMAH BINTI HAJI MOHD ALI
KAMPUS CYBERJAYA, UMM
MAJLIS PERASMIAN MINGGU ORIENTASI 2001 UNIVERSITI
MULTIMEDIA (UMM)
30 APRIL 2001

Syukur Alhamdulillah kita kehadiran Allah (S.W.T) kerana dengan izin dan limpah kurniaNya, pada hari ini kita dipertemukan di Majlis Perasmian Minggu Orientasi Universiti Multimedia, UMM yang merupakan satu Majlis bertujuan untuk mengalukan para pelajar baru yang akan memulakan pengajian di Universiti ini pada sesi 2001/2002. Selaku Canselor saya berasa sungguh gembira melihat seramai lebih 3,500 orang pelajar baru hadir dalam majlis ini yang diadakan serentak di Kampus Cyberjaya dan Melaka. Majlis yang berlangsung pada hari ini merupakan Majlis yang kelima seumpamanya diadakan di Universiti ini. Dengan kemasukan pada sesi ini, jumlah pelajar MMU telah meningkat kepada 11,000 orang yang mana pertumbuhan ini adalah sangat pantas berbanding dengan mana-mana Universiti lain. Sememangnya pertumbuhan MMU ini amat perlu memandangkan MMU adalah sebuah Universiti yang memainkan peranan penting bagi mengeluarkan graduan-graduan dan usahawan-usahawan yang sangat diperlukan untuk kemajuan negara dalam era informasi dan k-ekonomi yang amat mencabar ini. Suka saya memaklumkan bahawa MMU pada masa ini merupakan sebuah Universiti yang terkini dari segi penggunaan teknologi canggih, maju dan berdaya saing dalam pengajaran dan penyelidikan dan telah berjaya menjalinkan kerjasama dengan berbagai-bagai syarikat dan organisasi antarabangsa, sekaligus membuktikan kemampuan dan pencapaiannya yang tinggi setakat ini. InsyaAllah para pelajar semua akan mendapat manfaat yang amat tinggi daripada pengajian di Universiti ini dan keputusan untuk melangkah masuk ke MMU adalah amat tepat sekali.

2. Saya ingin menarik perhatian para pelajar semua kepada visi Universiti untuk menjadi sebuah Universiti yang bertaraf dunia dalam bidang pengajaran, penyelidikan dan keusahawanan berteraskan multimedia dan teknologi maklumat dalam tempoh yang singkat. Dalam erti kata lain, MMU berhasrat untuk menjadi sebuah Universiti yang cemerlang dan mendahului institusi-institusi lain dalam segala bidang yang dipeloporinya. Di samping itu juga MMU memikul tanggungjawab untuk menjadi pemangkin kepada pembangunan projek Koridor Raya Multimedia (MSC) dan pelopor kepada era k-ekonomi yang dihasratkan dapat membawa negara kedepan dengan jayanya dalam alaf baru ini. Sehubungan dengan itu sukalah saya menyatakan tiga ciri yang perlu dicapai untuk menjadikan MMU sebuah Universiti bertaraf dunia.

3. Pertamanya ia mestilah sebuah Universiti yang mampu menjana dan menggunakan ilmu dan teknologi terkini dalam kegiatan asasnya seperti pengajaran, penyelidikan dan usahasama dan pada masa yang sama dapat mencurahkan ilmu pengetahuan dan kemahiran yang terkini kepada para pelajarnya. Keduanya pengajaran dan penyelidikan itu tadi terbukti boleh membuahkan hasil dalam bentuk graduan,

pendidikan dan hasil penyelidikan yang diiktiraf berkualiti tinggi oleh dunia. Ketiga, Universiti itu mestilah dapat menarik ramai pelajar dan kakitangan cemerlang dari merata pelusuk dunia dan pada masa yang sama syarikat-syarikat terkenal antarabangsa mempunyai keyakinan untuk menyokong dan bekerjasama dengan Universiti itu.

4. Ketiga-tiga ciri yang disebutkan tadi sememangnya tidak mudah untuk dicapai dalam masa yang singkat. Oleh yang demikian MMU sedang berusaha gigih untuk merealisasikan ciri-ciri yang dinyatakan tadi dan saya gembira untuk memberitahu bahawa kemajuan dan tahap pencapaian yang telah dicapai sehingga kini adalah amat memberangsangkan. Namun pihak MMU perlu bekerja lebih keras lagi supaya tahap pencapaian dapat terus dipertingkatkan untuk mencapai sasaran tinggi yang ditetapkan. Oleh itu para pelajar yang memasuki MMU pada sesi ini harus sedar akan visi dan hasrat ini dan mesti turut mendukung pembangunan MMU seperti yang diidam-idamkan.

5. Untuk makluman para pelajar semua, Universiti ini telah menerima lebih kurang 20,000 permohonan iaitu satu jumlah yang banyak berbanding dengan 3500 yang diterima masuk pada hari ini. Dengan itu para pelajar semua mestilah merasa bertuah dan bersyukur kerana telah diterima masuk untuk menjadi sebahagian daripada warga Universiti ini. Dengan peluang yang diberikan ini, para pelajar perlu sedar bahawa para pelajar adalah merupakan anak juang Universiti yang bakal mencorak dan mewarnai Universiti dengan kecemerlangan, baik dari segi akademik mahupun yang bukan akademik seperti ko-kurikulum dan aktiviti luaran. Syabas dan tahniah saya ucapkan semoga anda semua akan terus berusaha bersungguh-sungguh dengan rajin dan berdedikasi sebagai pelajar cemerlang dan seterusnya mencapai kejayaan di Universiti ini sebagai persediaan untuk mencurahkan bakti kepada negara kelak.

6. Dalam kesempatan ini saya ingin menarik perhatian para pelajar kepada sifat tanggungjawab yang wajib disemai oleh para pelajar dalam menjalani kehidupan sebagai seorang pelajar di MMU. Seseorang insan yang dilahirkan ke dunia ini tidak dijadikan seorang diri tetapi memerlukan insan-insan lain di sekelilingnya untuk hidup. Dalam konteks kehidupan, kumpulan insan-insan ini dipanggil keluarga, masyarakat setempat dan negara. Juga insan-insan sukar dapat hidup tanpa sokongan dan kemudahan disekelilingnya kerana setiap yang hidup ini sentiasa diancam oleh berbagai-bagai bahaya sama ada secara lahiriah atau batiniyah umpamanya seperti penyakit dan musuh. Jadi di sini boleh disimpulkan bahawa seseorang insan memerlukan insan lain untuk sama-sama saling membantu dan melindungi demi untuk memastikan keselesaan, keharmonian dan kesejahteraan, kehidupan kelompok mereka sendiri. Berasaskan kepada hakikat ini maka terbitlah asas bagi konsep atau pengertian mengenai tanggungjawab seseorang insan terhadap dirinya sendiri, keluarga, masyarakat, negara dan akhirnya kepada Penciptanya sendiri.

7. Intipati konsep tanggungjawab ini perlu dikupas dengan lebih mendalam sedikit memandangkan ianya sangat penting bagi mencapai kejayaan dan kesejahteraan hidup di dunia ini. Sebagai makhluk kejadian Tuhan yang diberi berbagai-bagai panca

indera, naluri, perasaan dan nafsu, manusia sememangnya sentiasa mahukan semua yang baik bagi dirinya sendiri. Namun sudah menjadi kenyataan hidup bahawa manusia tidak boleh sentiasa mahukan yang baik sahaja tanpa sanggup berkongsi nikmat dan bertolak ansur dengan insan-insan lain, demi kesejahteraan hidup masyarakat mereka sendiri. Ia mesti sanggup berkongsi nikmat pemberian Tuhan ini dengan insan-insan lain yang hidup bersamanya. Ia juga wajib berusaha dengan titik peluhnya sendiri dalam usaha mendapatkan rezeki dan nikmat yang halal dan bukan dengan cara ditegah seperti penipuan, rasuah, tidak amanah, tamak dan haloba yang boleh merosakkan masyarakat itu sendiri. Berasaskan kepada sifat-sifat yang mulia seperti bertolak-ansur, saling bantu membantu, jujur, ikhlas, amanah dan fatanah maka sesuatu kumpulan insan itu barulah boleh hidup dengan aman, damai dan sentosa dan seterusnya memajukan dirinya sendiri dan juga masyarakat sekelilingnya.

8. Sayugia ingin saya menambah di sini akan betapa pentingnya kita semua insan yang dicipta oleh Tuhan, untuk mempunyai akal fikiran yang waras dan rasional. Akal fikiran yang waras dan rasional ini akan sentiasa menghasilkan keputusan dan tindak-tanduk yang menjurus kepada kebaikan untuk individu, masyarakat dan negara. Sebaliknya akal fikiran yang banyak dipengaruhi oleh emosi dan hawa nafsu akan membuat seseorang insan itu menjurus kepada melakukan perbuatan yang boleh membawa kepada kerosakan dan kebinasaan. Oleh yang demikian adalah amat penting bagi kita semua untuk benar-benar bertindak di atas dasar akal fikiran yang waras dan rasional. Dalam kehidupan seharian, kita tahu bahawa hawa nafsu manusia itu sentiasa bertembung dengan akal fikiran yang waras dan rasional ini. Oleh yang demikian kita harus sedar bahawa setiap insan itu akan sentiasa diuji dengan pilihan untuk bertindak berasaskan akal fikiran yang waras dan rasional yang boleh membawa kepada kejayaan atau berasaskan hawa nafsu yang membawa kepada kebinasaan.

9. Berdasarkan kepada hujah-hujah ini, izinkan saya memfokus kepada manfaat yang boleh didapati hasil daripada insan-insan yang mempunyai sifat tanggung-jawab yang tinggi. Insan-insan ini merupakan batu asas dan neraca kepada usaha untuk mencapai pembangunan negara yang sekaligus merupakan rahma besar yang diberikan oleh Pencipta kita kepada negara. Seperti yang saya sebutkan tadi, semua insan yang mempunyai sifat tinggi tanggungjawabnya sudah semestinya akan sentiasa berusaha untuk menyumbang kepada pembangunan dan kemajuan negara. Khususnya dalam konteks MMU, para pelajar haruslah sedar bahawa pada peringkat ini para pelajar dididik sebagai persediaan sebelum memasuki ke alam pekerjaan kelak. Era informasi dan masyarakat ilmu masa kini adalah amat mencabar di mana ia memerlukan insan-insan yang berilmu dalam bidang ini serta mempunyai sifat-sifat keusahawanan dan kepimpinan bukan sekadar menuruti arus sedia ada. Setiap insan yang ingin berjaya dalam perlumbaan ini harus mempunyai daya pemikiran yang kreatif, dinamik dan boleh berubah dan menyesuaikan diri dalam keadaan baru jika diperlukan oleh keadaan dan persaingan. Oleh itu saudara saudari harus bersedia menghadapi segala cabaran dengan cecal hati, tabah, tidak mudah putus asa dan di samping itu sentiasa dahagakan idea baru dan perubahan demi untuk kemajuan. Yang lebih penting lagi usaha untuk kita berjaya dan seterusnya menyumbang kepada

pembangunan negara merupakan tanggungjawab utama para pelajar semua.

10. Sebagai kesimpulan saya menyuruh bahawasanya para pelajar sekalian merupakan generasi harapan bangsa dan negara yang akan menentukan hala tuju dan masa hadapan negara. Selaku Canselor saya ingin menasihatkan supaya para pelajar dapat menyemaikan sifat tanggungjawab yang tinggi, menguatkan semangat dan iltizam dan meyakini kebolehan dan kemampuan anda semoga segala harapan yang diletakkan oleh ibu bapa, Universiti, masyarakat dan negara terhadap anda akan menjadi kenyataan. Para pelajar harus menyedari bahawa mengikut ajaran Rasullullah S.A.W. mencari ilmu dan seterusnya menjadi seorang insan beriman, beramal baik, berakhlak tinggi dan berguna merupakan satu usaha yang paling besar nilainya lebih daripada segala amalan lain yang akan menjamin ganjaran baik di dunia dan di akhirat.

11. Memandangkan terdapat para pelajar baru dari luar negara yang tidak bertutur dalam bahasa Malaysia, saya akan menyampaikan sepatah dua kata dalam bahasa Inggeris.

12. We are proud once again, to admit another 3,500 students into this University for the 2001/2002 academic session which has pushed the total student population beyond 10,000 which marked a significant achievement for MMU yet again. We are indeed delighted to have in this large intake the presence of international students who have come from diverse ethnic, social and cultural backgrounds. It is well known that the harmonious blend of local and international students will create a healthy social and scholarly atmosphere within the campus setting which would be of considerable advantage to the students' own psychological and social development. This certainly augurs well with the University's aim of creating a multinational, multicultural, multilingual and borderless community within the University.

13. It is my hope that students of this University regardless of their background would interact as widely as possible in going about your daily activities be it at the social or academic levels, but at the same time, observing the student's code of conduct. The code of conduct has been established to ensure that the University can function harmoniously free from unnecessary disturbances from unwanted elements for the prosperity and enjoyment of the University wide community. You should realise that the next 3 to 4 years spent as a student of the University will be among the most crucial years of your lives for these years will set the foundation for 3 to 4 decades of your professional career. During these years, you should take the opportunity to gain as much knowledge, skills and experiences as possible, which surely will be of great benefit to you in your lives later on. Your first degree will certainly be the most important qualification that you need as a springboard to obtaining further qualification or employment in later life.

14. Hence, you should pay much heed to your studies and balance this with other activities. Your parents and your sponsors will be investing a considerable amount of money to ensure that you obtain a degree. Therefore, use the years ahead of you wisely. Strive to obtain the maximum knowledge or skills and give the

best in everything that you do. As it is, you shoulder the responsibility of developing yourself towards becoming the nations' leaders of tomorrow.

15. However, academic excellence should not be the sole aim of being here. Your commitment in studies should be complemented with co-curricular and non-formal activities as they contribute towards making you a well-rounded scholar. Hence, there should be a balance between these pursuits. Activities such as games, clubs and society that are organised from time to time would be useful in developing your human skills and leadership qualities. Over time I am pleased to note many international students who have completely assimilated themselves into the Malaysian culture and way of life and felt totally at home.

16. In this University, we practise an Open System through which we welcome the contribution of fresh, new ideas for the advancement of the University. This is consistent with the concept of the borderless world where the eyes of whole world is watching us from the very next door surfed through at the press of the button. Suggestions and ideas can be put through to the management using the Integrated Computerized Education Management System (ICEMS) developed to serve better the needs of the campus community especially the students. I do hope that ICEMS would serve all your digital educational needs and serve as a companion not only in time of need but as well in your loneliest moment. You could use it to chit chat with friends all over the world or even speak interactively with your parents or loved ones back in your home country. The campus internet facility available here is completely free and unlimited in time of use, so please use them for your own good to the fullest.

17. Universiti Multimedia sentiasa mengorak langkah ke hadapan dalam usaha untuk mencapai cita-citanya yang suci murni itu. Oleh itu saya ingin menyeru kepada semua kakitangan Universiti untuk terus berusaha dengan gigih dan bersungguh-sungguh untuk memastikan segala yang dirancang akan tercapai demi untuk kebaikan Universiti dan negara. Di sini suka saya mengucapkan tahniah dan syabas kepada pihak Universiti yang telah berjaya untuk menarik masuk sebilangan pelajar yang besar ini. Saya sedar bahawa kejayaan seperti ini bukanlah mudah tetapi memerlukan daya usaha yang tinggi dan itulah sebabnya saya yakin Universiti ini akan berjaya untuk mencapai visinya dalam masa yang singkat.

18. Akhir kata saya mengucapkan ribuan terima kasih kepada semua yang terlibat dalam menganjurkan program orientasi bagi kemasukan sesi ini. Sesungguhnya penat lelah saudara saudari itu amatlah berguna dan bererti bagi semua pelajar-pelajar baru dalam membantu mereka menyesuaikan diri dengan kehidupan Universiti ini dengan seberapa pantas yang boleh.

19. Dengan lafaz Bismillahirrahmanirrahim saya dengan sukacitanya merasmikan Program Orientasi bagi sesi 2001/2002.